

Më
Dana 06-07-2018

REPUBLIKA E KOSOVËS
REPUBLIKA KOSOVA - REPUBLIC OF KOSOVO
GJYKATA THEMELORE FERIZAJ

Numri i lëndës: 2018:015510
Datë: 04.06.2018
Numri i dokumentit: 00053449

P.nr.2372/17

NË EMËR TË POPULLIT

GJYKATA THEMELORE FERIZAJ, Departamenti i Përgjithshëm – Divizioni Penal, si gjykatë e shkallës së parë penale, me gjyqtarin Ilir Bytyqi si dhe procesmbajtësen Kadishe Shabani, zyrtare ligjore, në çështjen penale kundër të pandehurit [REDACTED] nga Ferizaji, për shkak të veprës penale posedimi i paautorizuar i narkotikëve, substancave psikotrope ose analoge nga neni 275 par. 2 të KPRK-së, sipas Aktakuzës të Prokurorisë Themelore në Ferizaj-Departamenti i Përgjithshëm PP/II.nr.1009-3/2017 dt.21.09.2017, pas përfundimit të shqyrtimit fillestar dhe publik të mbajtur në praninë e Prokurorit të Shtetit Albert Zejnullahu si dhe të pandehurit [REDACTED], më datë 16.05.2018 mori dhe publikisht shpalli aktgjykimin, ndërsa me datë 21.05.2018 përpiloi me shkrim këtë:

AKTGJYKIM

I pandehuri: [REDACTED] i lindur me [REDACTED], nga i ati [REDACTED] dhe nëna [REDACTED] e gjinisë [REDACTED] me vendbanim në rrugën [REDACTED] pn. Ferizaj, ka të kryer shkollën e mesme, i gjendjes së dobët ekonomike, Shqiptar, Shtetas i Republikës së Kosovës.

ËSHTË FAJTOR

Sepse:

Me datë 09.04.2017, rreth orës 01:10, në rrugën "Reçaku", në ferizaj, policia ka ndal një automjet, ku gjatë kontrollit nga ana e policisë tek i pandehuri është gjetur edhe konfiskuar një qese me substancë rreth 1.42 gram narkotikë të llojit Marihuanë, të cilat i posedonte pa autorizim.

me këtë ka kryer veprën penale posedimi i paautorizuar i narkotikëve, substancave psikotrope ose analoge nga neni 275 par. 2 të KPRK-së.

Prandaj, gjykata në bazë të neneve 3,4,7,8,17,41,42,49,50,51,52,73 të KPRK-së, si dhe në bazë të neneve 365 të KPPRK-së, e

G J Y K O N

DËNIM ME GJOBË në lartësi prej 200 Euro /dyqind/, të cilin dënim duhet ta paguaj kur aktgjykimi të merr formën e prerë në afat prej 30 ditëve nën kërcënimin të ekzekutimit me dhunë.

Nëse i akuzuari nuk dëshiron ose nuk mund ta paguajë dënimin brenda afatit prej 1 (një) muaj, pasi aktgjykimi të merr formë të prerë, atëherë gjykata dënimin me gjobë do t'ia zëvendësojë me dënim burgimi ashtu që për çdo 20€ (njëzetë euro), të papaguara do t'i llogaritet 1 (një) ditë burg.

Konform, nenit 275 par. 3 të KPRK-së, konfiskohet në mënyrë të përhershme substanca narkotike e llojit marihuan në peshë neto 1.42 gram.

Obligohet i akuzuari që në emër të shpenzimeve të procedurës penale të paguaj shumën prej 20 Euro /njëzet euro / në afatin prej 15 ditëve pasi që aktgjykimi të marr formën e prerë nën kërcënimin e ekzekutimit me dhunë..

materialët e prezantuar nga prokurori i shtetit, dhe ne provat tjera të cilat gjenden në shkresën e lëndës siç janë: raporti i ekzaminimit Fonetikës AKF/2017-2109/17-1889, i dt. 19.09.2017,0 vërtetimi mbi sekuestrimin e sendeve 08.04.2017, deklarata e të pandehurit e dt.08.04.2017, si dhe fotografitë të cilat gjenden në shkresat e lëndës.

Me qenë se i akuzuari ka pranuar fajësinë e cila është në përputhje me kriteret e përshkruara më lartë, andaj gjyqtari individual konform nenit 248 paragrafit 4 të KPPK-së, ka vlerësuar se nuk është e nevojshme vërtetimi i ndonjë fakti relevant për shqiptimin e dënimit dhe për këtë arsye ka vazhduar me shqiptimin e dënimit, *(nëse i pandehuri në shqyrtimin fillestar pranon fajësinë dhe kryetari i trupit gjykues vlerëson se pranimi i fajit është bërë në pajtim me ligjin mund të vazhdoj procesin me shqiptimin e dënimit pa plotësuar trupin gjykues dhe pa e mbajtur fare shqyrtimin gjyqësor, lidhur me këtë shih mendimin juridik të Gjykatës Supreme të evidentuar si GJA.nr.207/13 të dt.19.03.2013).*

Gjykata pas administrimit/leximit të provave në shqyrtim gjyqësor publik dhe vlerësimit të tyre një nga një dhe në lidhje me provat e tjera, ku në bazë të vlerësimit të tillë vërtetoi këtë gjendje të fakteve si në vijim: me datë 09.04.2017, rreth orës 01:10, në rrugën “Reçaku”, në ferizaj, policia ka ndal një automjet, ku gjatë kontrollit nga ana e policisë tek i pandehuri është gjetur edhe konfiskuar një qese me substancë rreth 1.42 gram narkotikë të llojit Marihuanë, të cilat i posedonte pa autorizim.

Vlerësuar nga aspekti juridik gjykata gjeti se në veprimet e të pandehurit ekzistojnë të gjitha tiparet objektive dhe subjektive të veprës penale posedimi i paautorizuar i narkotikëve, substancave psikotrope ose analoge nga neni 275 par. 2 të KPRK-së, si në kohën, datën dhe vendin e përcaktuar në dispozitiv të këtij aktgjykimi.

Me rastin e matjes së llojit dhe lartësisë së dënimit gjykata vlerësoi të gjitha rrethanat në kuptim të nenit 73 dhe 74 të KPRK-së, dhe gjeti si rrethanë lehtësuese se në shqyrtimin fillestar ka pranuar fajësinë, duke e shprehur pendimin e sinqertë dhe real për veprën penale të kryer, i gjendjes së dobët ekonomike, ka qenë hera e parë që ka ra ndesh me ligjin, ndërsa në mungesë të rrethanave veçanërisht rënduese, gjykata vlerësoi shkallen e përgjegjësisë penale të të pandehurit dhe rrezikshmërinë konkrete të veprës penale, andaj duke marrë parasysh tërësinë e këtyre rrethanave, të pandehurit i shqiptoi dënim si në dispozitiv të këtij aktgjykimi, me bindjen se në rastin konkret do të arrihet qëllimi i dënimit të preventives speciale dhe asaj

gjenerale, ku një dënim i tillë është adekuat dhe në proporcion të drejtë në raport me peshën e veprës penale, rrethanave të kryerjes së veprës penale, shkallen e përgjegjësisë penale dhe personalitetin e të pandehurit.

Vendimi mbi shpenzimet paushalle është marr në kuptim të dispozitës së nenit 450 par. 1 dhe 2 pika 2.6 lidhur me nenin 453 par. 1 të KPPRK-së.


Vendimi për kompensimin e viktimave të krimit është marrë konform nenit 39 par 3 pika 3.1, Nr. 05/L-036 të ligjit për kompensimin e Viktimave të Krimit.

Në bazë të së theksuarës më lartë u vendos si në dispozitivit të këtij aktgjykimi

GJYKATA THEMELORE NË FERIZAJ
Departamenti Përgjithshëm-Divizioni Penal,
P.nr.2372/17 datë 21.05.2018.

Zyrtare ligjore,
Kadisha Shabani

Gjyqtari: Ilir BYTYQI



KËSHILLA JURIDIKE: Kundër këtij aktgjykimi mund të ushtrohet ankesë në afat prej 15 ditëve, pas pranimit të kopjes me shkrim të kopjes me shkrim të këtij aktgjykimi, Gjykatës së Apelit në Prishtinë. Ankesa i dorëzohet Gjykatës Themelore në Ferizaj.